

Siumoortumik nalunaarsuinerup akileraarusiinerullu sunniuteqaqatigiinnerat.

Akileraarutissat sinneri imaluunniit akileraarutit sippuutaat (akileraarpallaarutit)

Akileraarutaagallartoq akileraarutissaviillu nikingassuteqarpata akileraartartoq akileraarutissat sinnerinut akileeqqilluniluunniit akileraarutit sippuutaannik utertoortussaavoq. Akileraarutaagal-lartup akileraarutissaviillu assigiinnngissuteqarsinnaanerit pinngitsuuinneqarsinnaanngilaq, siu-moortumilli nalunaarsuinerup sapinngisamik eqqortuunissaa anguniartariaqarpoq, kingusinneru-sukkut aaqqiisarnerit pinngitsoorniarlugit.

Taamaallaat aningaasarsiat A-t ilanngaallu aalajangersimasoq

Akileraartartut taamaallaat A-nik ukioq tamaat aningaasarsisartut aalajangersimasumillu ilanngaati-p saniatigut allanik ilanngaatissaqanngitsut akileraarutigigallagaat akileraarutissaviilu nikingasussa-anngillat, inaarutaasumillu naatsorsuinermit 0 kr.-ip 99 kr.-illu akornanni nikingassuteqartoqartarsin-naavoq, taakkulu ukiup ingerlanerani aningaasarsianit akileraarutit A-nut unerartinneqartartut naat-sorsorneqartarnerini akunnaallisaasarnernarmik patsiseqarput.

Qaqugukut akiliivallaartoqartarpa.

Assersuut:

Akileraartartoq sulinermit akissarsiaannarnik (A-nik) ukiup qaammataani siullerni qulingiluani iser-titaqartarsimavoq, qaammatillu kingullit pingasut suliffeqarsimanani/isertitaqarsimanani. Aalaja-ngersimasumik ilanngaati-p saniatigut ilanngaatissaqanngilaq.

Siumoortumik nalunaarsuinermit inummut ilanngaat aalajangersimasumillu ilanngaat (48.000 + 10.000) tunngavissaliunneqarput, taamaalilluni pineqartup skattekortiani qaammammut ilanngaat 4.833 kr.-iulluni, piffissamilu suliffiup qulaani taaneqartup nalaani isertitanit akileraarutissat naat-sorsorneqarnerini ilanngaatit atorneqartarluni. Inaarutaasumik akileraarusiinermit akileraarpallaar-toqarsimassaaq, skattekortimimi qaammammut ilanngaat 4.833 kr.-iusoq ukiup aningaasarsiorfiup qaammataani kingullerni pingasuni atorneqanngimmat.

Akileraarpallaartoortarneq ilaatigut pilersarpoq siumoortumik nalunaarsuinermit aningaasarsiat B-t (aningaasarsiat B-t akileraaruteqaataasussaannngitsut peereerlugit) ukiumi pineqartumi B-tut ani-ngaasarsiarpiaasimasunut sanilliullugit annaarpallaarlugit missiliorneqarnerisigut, kiisalu siumoortumik nalunaarsuinermit ilanngaat aalajangersimasumut taarsiullugit akileraaruteqaataasussanit ilan-gaasiussat ukiup ingerlanerani ilanngaaterpianut sanilliullugit annikinaarnerisigut akileraarpallaar-toqarsinnaalluni.

Akileraarutissat sinneri

Assersuut:

Assersuummi ataani takutinneqarpoq akileraarutissat sinnerinut akileqqitassat qanoq illilluni suullu

pissutigalugit akileeqqittussangortitaasarneq pilersarnerseq:

Siumoortumik nalunaarsuinermi akileraartartoq - Qeqqata Kommunianut 2016-imi procenti akileraarusiisummik katillugu 42%-imik akileraartussaataasup, ukuninnga ilanngaatisaqqarpoq:

Ernianut aningaasartuutit	20.000
Sulisartut peqatigiiffianut ilaasortaanermut akiliut	5.000
Inummut ilanngaata	<u>48.000</u>
Akileraarutitigut ilanngaatit katillugit	<u>73.000</u>

Akileraarutitigut ilanngaasiinnikkut akileraarutaagallartut:

Aningaasarsiat A-t tamarmiusut	350.000
- qulaani taaneqareersutut siumoortumik naatsorsuinermi akileraarutitigut ilanngaatit	<u>73.000</u>
Akileraarusiinermi tunngavissaq	<u>277.000</u>
Taakkua 42%-ii akileraarutit A-nut ilanngaatigineqartut	<u>116.340</u>

Inaarutaasumik akileraarusiineq:

Kisianni inaarutaasumik akileraarusuilluni naatsorsuinermi paasinarsivoq ernianut aningaasartuutit 15.000 kr.-innaasut. Taamaattumik akileraarutit annertussusilerneqarnerat imaalerpoq:

Aningaasarsiat A-t tamarmiusut	350.000
- Ernianut aningaasartuutit	15.000
- Sulisartut peqatigiiffianut	
Ilaasortaanermut akiliut	5.000
- Inummut ilanngaata	<u>48.000</u> - <u>68.000</u>
Akileraarusiinermi tunngavissaq	<u>282.000</u>
Tassannga akileraarutissaviit 42%	118.440
Akileraarutaagallartutut akilerneqarsimasut	<u>116.340</u>
AKILERAARUTISSAT SINNERINUT	
AKILEQQITASSAQ	<u>2.100</u>

Qulaani assersuutip takutippaa akileraaruteqaataasussanit ilanngaatit ilanngaata aalajangersimasumut taarsiullugit ilanngaatigineqartut siumoortumik nalunaarsuinermi inaarutaasumillu akileraarusiilluni naatsorsuinermi ilanngaatigineqartunit nikingassuteqartut, tamatumalu kinguneraa akileraarutit 2.100 kr.-nik ikinaarlugit akilerneqarsimanerat. Aningaasat taakku 5.000 kr.-nit 42%-eraat (ernianut aningaasartuutitigissangasat amerlanaarlugit ilanngunneqarnerisigut).

Akileraarnikipallaarneq tassa pilersinnaavoq siumoortumik nalunaarsuinermi akileraarute-

qaataasussanit ilanngaatit ukiup ingerlanerani aningaasartuuterpiaasunut sanilliullugit annaar-
neqarpata kiisalu aningaasarsiat B-t, aningaasarsiat B-t akileraaruteqaataasussaannngitsut peereer-
lugit, ukiup ingerlanerani isertitarpiaasunut sanilliullugit minnaarneqarsimagaangata.

Akilaartarnermut Aqutsisoqarfik

Aggusti 2017